

Jia Yin juarai Seni Kulineri Nestle ke-9

■ NORSHAHZURA MAT ZUKI

PELAJAR dari Kolej Seni dan Teknologi HELP, Lai Jia Yin muncul juara Anugerah Seni Kulineri Nestle Profesional ke-9 mengalahkan 10 pelajar institusi kulineri terkemuka Malaysia.

Kemenangan tersebut membolehkan Jia Yin membawa pulang hadiah dan wang tunai berjumlah RM3,000 serta berpeluang mengikuti latihan amali eksklusif di Le Meridien, Kuala Lumpur di bawah bimbingan Chef Eksekutif hotel itu, Antoine Rodriquez.

"Saya tidak sangka akan memenangi anugerah ini dan sangat gembira. Saya perlu bersaing dengan peserta lain yang kesemuanya hebat.

"Saya menyertai pertandingan seperti ini selama tujuh kali dan kali ini, baru saya muncul juara.

"Pelbagai cabaran terpaksa dihadapi sepanjang tiga hari pertandingan ini terutamanya untuk menyediakan makanan mengikut peraturan ditetapkan," katanya pada majlis penyampaian Anugerah Seni Kulineri Nestle Profesional kali ke-9 di Universiti Antarabangsa Unitar, Kelana Jaya, baru-baru ini.

Pertandingan itu bermula 28 hingga 30 Januari lalu dan chef terkemuka, Chef Sabri Hassan sebagai hakim.

Naib juara kedua pertandingan itu dimenangi Munirah Aishah Ibrahim dari



Pemenang bergambar bersama Jasmmine (lima, kanan) pada majlis penyampaian hadiah Anugerah Seni Kulineri Nestle Profesional kali ke-9 di Kelana Jaya.

Universiti UCSI dan naib juara pertama pelajar Kolej Universiti Hospitaliti Berjaya, Tan How Moon.

Hadir dan menyampaikan hadiah ialah Pengurus Nestle Profesional Malaysia dan Singapura, Jasmmine Wong; Timbalan Ketua Pengarah Jabatan Pembangunan Kemahiran Kementerian Sumber Manusia, Nidzam Kamarulzaman; Presiden Persatuan Hotel Malaysia, Samuel Cheah; dan Naib Canselor Universiti Antarabangsa Unitar, Dr Sakinah Sofia Baharom.

Jasmmine Wong berkata, tujuan per-

andingan diadakan untuk menyokong bakat-bakat baharu industri kulineri.

"Anugerah ini mendedahkan pelajar kepada realiti untuk menjadi seorang chef dan memberikan pengalaman membantu karektor mereka," katanya.

Katanya, kemenangan itu juga memberikan peluang kepada Jia Yin untuk mengambil bahagian dalam Pertandingan Kemahiran Asean 2016 di Kuala Lumpur dan Pertandingan Kemahiran Dunia 2017 di Abu Dhabi, Emiriah Arab Bersatu.

Pertandingan pada tahun ini disertai 11 universiti dan kolej.